

大清光緒十四年

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報須加寄費可
也除日報外常刊送外復不
惜工本從英國採辦新式書
刊印書簿單件並有英國各
種活字及各式花邊等延有
西人操印工藝甚精所有中
西文字均能刊印並有石板
印字大小機器均用精工

第 二 千 三 十 四 號

申報

本館開設在舊巴口門牌第十四號

印工緻絕倫前延有文士書
寫各體文字現由上海購到
各種新式活字其書目另行
刊佈所有各項價甚相宜再
本館所登來札原擇其有關
世道人心者附登不亦須無
礙於人而後始錄其有謬屬
成文以及支離難辨者概不
登報嗣後 諸君來札尚祈
自諒更須寫實里而後敢
登但來稿務與不登均不能
將原稿收回也 本館謹白

戊子七月廿五日

凡刊印者每月一元每張五仙 (大英一千八百八十八年九月一號禮拜六) 凡刊印者每月一元每張五仙

寄報聲明 ○啟者本報所出報紙其價係按平而與而半年開單一次領取報費此與零沽者有
所不同近見外埠諸君取閱本報者或有僅一二月之久即為止截其更有取巧者取閱本報迨屆半年開
單往收報費之時則竟託詞謂已改函本報者為停寄何以復送前來象是即欲圖沒報資殊堪痛恨竊思
本館之報原期大眾同觀事之濟否不在一人倘不欲賜閱即以一函投諸本館斷無有不為之止截豈有
強人看閱之理則此言之詐可知茲特聲明 諸君止看本報者必須作函由國家信館寄功投之本館
始為准信倘本館未接來函而為派送則不妨再為示教至於取閱報紙必須至一年半年方能止截否即
作為零沽常按價索償勿謂言之不預也特此聲明
本館謹白

論法人窺暹

暹羅之鑿不刺望地方非通商之所近來英法兩國始請於此設立領事官而法國派駐該處之領事自
抵任以來岌岌察勘該處地方形勢所有山川險隘無不留心窺探而且繪圖立說以詳誌之近復由該處
水陸前進以達海內識者已知法人是役非存奸意實垂涎此地欲使併於越南也迨該領事自海內歸則
稱查勘其道路山川者欲使該處生理直逼海內起見並非有他意存於其間噫此不過法人之飾其說耳
雖曰為營生起見豈真為營生起見哉不過欲漸以圖之先奪該地之生涯俾歸海內使往來既熟民心漸
稔而後始起圖據之謀觀該領事嘗有言曰窺不刺望地方甚佳若能善於經營可以成一大省會等語可
知其垂涎此地志有甚奢豈區區懣懣所能厭其貪念耶夫法人之有志暹羅也已非一朝近此二十年來
法常遣人至暹以游歷為名然欺其弱小藐其無能常蠱惑其民使與朝廷不睦或且侮弄暹廷藉挑其怒
如前年法國駐暹總領事拔確故為誣誣欺騙之事欲激暹廷之怒俾得其名目以與寇暹之師驅暹廷自
知國小民貧誠恐為越南之繼故忍隱為之舍垢而法遂無從啟釁然則其心深計毒於此已見一斑矣蓋
法國覬覦暹羅之念則於金必打充授廷臣之日已存是心蓋以法本強大之邦然自挫於德後自知歐洲
大國難施其伎倆因而漸思蠶食小國以冀西失東償欲為補救以故一開釁於多尼再構兵於馬島三侵
擾乎越南而暹羅一邦所以能如舊靈光殿巋然獨存者實緣法於前歲寇越之役所費不資餉項空虛實
難為繼且得越地不惟毫無所獲且多虧累故恐諸議員不允籌餉是以暹廷於此得以暫安現法廷復委
恭斯當往駐越南台西貢東京而為一則越事終無起色則已倘稍有轉機之處暹其可免於兵乎此意也
在暹廷諒亦未必深知惟英知之故法人每一舉動則英必瞞其後故法終不敢任意妄為現在英欲於該
國創設鐵路一端亦未嘗非欲謀制法之地步今法人之在暹固已無處不遊此中機關斷難逃識者之明
鑒所奈暹國君臣愚而貪圖小就故不能窺法之謀耳夫法之所以注意暹羅者誠以其地則較越南為多
其取則較越南為易蓋越雖小國猶憚中朝為之援手若暹則無是慮也且暹之兵力無以加於越南乃欲
以當法兵其可得乎况觀法國各日報議及暹事無不懷逐逐之心嗚呼暹羅國小而貧界乎兩大之簡英
雖持盈保泰未必遠與兼併之圖其奈法之耽耽虎視何哉然則暹廷之不可不早為之所也審矣但暹本
弱小之邦安能為力惟有一法或可杜他日之憂是莫如仿效高麗之章請於中朝明佈天下暹羅向為中
朝保護而後遍請各國至暹通商其事宜恭仿高麗所為然則各國應聯為保護則不患有侵佔之圖矣但
暹國近來已久缺中朝之貢一日急而求請誠恐未必允行則莫如乘來春正月 皇帝大婚之期上表納
儀修其職貢庶可乘機陳請則中國或可允從也暹國君臣其知之否

諭旨恭錄

○七月初三日奉 上諭劉銘傳奏臺灣徵徵新賦請先為出力人員先行獎勵一摺
臺灣所屬地畝舉辦清查事屬創始經劉銘傳督率核實丈量改定賦則全臺安延千餘里未及兩年一律
丈竣升科田糧計逾舊額不下四十萬兩民樂輸將新賦現已酌徵辦理甚為妥速在事出力各員實屬著
有微勞自應量予獎叙臺灣布政使邵友濂著賞加頭品頂戴起復布政使沈懋德臺灣道唐景崧均著交
部從優議敘道員陳鳴志著賞給三代一品封典臺灣府知府程和鶴台北府知府雷建均著以道員在
任候補並加鹽運使銜署捕裏社通判候補知府吳本杰著候補知府著以道員在任候補署彰化縣知縣
候補通判李嘉業著以同知直隸州知州留於福建歸候補班前補用臺灣縣知縣在任候補同知沈受謙

典當園地一所在牙籠地方計典價銀四千元但其地小而瘠薄不值價惟附於某巨園之側當刺文符看時棉芝曾指與該巨園相連故刺遂入其園審追典後亦會償還利息數月嗣刺催其取贖迫開多次構始逃遁云云此與昨報所言不無有相歧之處事關重案爰並錄之

恭候褒嘉

潮南柯春被擄至助中請由中國駐叻領事官左子與都轉代呈粵督張帥查收俾充賑款各節本報前經登錄茲悉該款經都轉電粵垣後復具稟詳報一切現奉回批有云據稟職員葉致英勸捐賑濟洋銀五十元具見急公好義深堪嘉尚仰候核明 奏咨給獎云云善乎葉君飢溺情殷松榆念切雖海外依居不忘故國乃能倡捐巨款以濟民艱洵聖善好施存心博濟宜乎荷鈐轅之知遇切 楓陛之恩榮行見丹鳳鳴書不日即當南下酬庸錫勳當不負君一片婆心矣

天網恢恢

接吉隆友人遞來信息有言兇犯被獲一事以數年前之舊案在逃已久一朝破敗亦可見天網恢恢矣先是荷屬蘇門答臘之汶牙戎地方於四年前有命案出焉係為同類相殘乃因謀財害命者也查此案兇手共計甲乙丙丁四人均係該處之穆拉油族平素習為不肖一日探悉其族人某戎由他處貿易而歸行囊頗豐該兇四人遂起意申謀持械伏於要路俟戎道過即將其殺斃遂分其財而散嗣經死者之父母妻兒探悉其事因即詳稟該處荷蘭官宰立行嚴緝當經陸續獲到乙丙丁三人訊明正法惟某甲則尚在逃未獲四年於此得以法外逍遙而此案亦銷沉久矣詎料近來竟至吉隆地方居住大抵以為該地係歸英轄與荷無涉諒無所礙然甲抵降之日初亦無有知為兇犯也詎甲生成無賴素性不移又在吉隆犯案為該處有司執獲判禁三閱月之期而不知何故事為蘇門答臘荷官所聞知該犯另案監禁在監故即命荷蘭差目一人率領巡差二名携帶公文到降領犯遂於月之十四日向吉隆府公堂投遞府憲閱畢即由獄內提出該犯俾與差目對質該兇至此直認無辭府憲錄供畢即將犯交差解回治罪云云據見者謂該犯年約二十餘而面目頗秀殊不類兇殘之輩并聞其家資頗厚衣食無虧乃亦墮此匪類行為大抵亦緣誤逐淫朋所致乃一朝覆敗性命且有不保之虞可見天網恢恢疎而不漏然則人固可以妄為不軌也乎

命案候訊

無端風雨何來吹斷香魂不解山邱竟爾長埋玉骨是豈生來弱質擔不盡脂粉多愁因之辭彼勾欄拋幾許風流孽債與其生前落網不如死去休閒噫粉脂殘終嗟薄命珠埋玉碎遠隔重泉命之修短雖無憑而遇之長淪實可哀已聞有粵妓名桂好者向在牛車水五號門牌愛月娼樓內充當妓籍姿秀綠珠年屆碧玉嫣然一笑見者猶憐香草名花偏惹遊蜂粉蝶以故豔遊公子爭相賞識莫不欲一親玉體為快而該妓具此芳姿尤覺性情溫厚迎新送舊頗善逢迎是亦青樓中之翹楚不可數薄也乃不意於二十二夜猶理脂粉生涯向留客而訂度夜迨至翌早客起而去該妓猶閉門復睡向來如是無有異者院中諸人向以為海棠猶未醒耳詎當早曉之時諸人喚之靜寂無聲始生駭異以故開門入視寒帳細察始驚玉體已殞長歸夜臺矣然究不解其致斃之由有若是其速也故該娼即為赴署報案請驗嗣經總差與書吏等偕赴該樓察驗果見該妓已亡然亦不知胡為而致命也應俟官驗而後始悉其由再行續報


醋海揚波

從來女子之心每多希憐固寵而於女閭三百此中之酸風飄拂醋海狂瀾其爭妍取憐之心為尤甚爾二妓之大與唇槍亦可以見其醋情之癡者矣牛車水有蓮勝娼樓與新艷香曲院對望衝遙遙相對粉白黛綠各有可人到此豔遊互相固寵生來是妒大抵皆然雖然無形之希寵何敢白諸於他人乃不意醋海翻波娘子軍大與唇槍有如是之異者先是有妓婦名桂橋者係在蓮勝娼樓充當妓籍曾與生長於叻之閩人名阿七者兩相狎暱暫聯盟情逾膠漆方謂比翼雙飛鸞儷永結不料阿七繼豔性成愛花若癖室對芙蓉不一而足於前數夕乃潛至艷香樓擁有一妓名奕香者訂為度夜之盟詎對宇開軒事為桂橋所見以故抱恨終宵醋情頓觸然而室遠人遐姑暫置之而究不能不遷怒於奕香也不料廿二夜阿七復為繼豔於艷香樓故奕香閉室相延姑媼温存伎倆而事機不密復為桂橋所偵知阿七素畏其妒因不敢復度夜之盟猝然歸至是奕香又不能沉厥醜也詎桂橋知阿七賦歸竟爾潛至寓所責其負約借阿七而復歸青樓阿七於是而寄宿於桂橋之室矣然而美香於夜靜臨軒見阿七之入影昇藏戲笑於桂橋之室於是如心願觸道辱辱唇唇多方不堪入耳桂橋聞之不覺反羞成怒互與舌劍穢聲載道震動遊 如牆如堵人山人海莫不各啞口如噤脂粉生涯貽賤恥辱互喪矣幸有英差梭巡至此始見遊者塞途實緣二妓之妄言因以危詞而恐嚇 至是寢息而行者始闕然四散焉噫亦可知放心之妒其生有自來者歟

父子偕亡

死生亦大矣乃有不數日而父子相繼而亡斯亦遺家之大不造矣門祚衰微何彼蒼之不吊若此耶聞有閩人蕭順林者年將古稀僅有一子年約卅齡天涯逐利餬口四方累年銖積僅獲數百餘金於前 間蕭急覓蠅之命乃偕其婦及子由叻附航赴於曼半為慮遷計於月之初旬蕭忽屆嶽降之厄婦子驚寢屢祝歡飲之餘詎料為雞骨塞喉致斃婦子反歡為悲棺殮殮該子為之蓋棺釘固詎知操斧擊斃斃子心逾慟感目不暇為之細察舉斧驟下竟爾誤擊其指骨如玉碎鮮血淋漓痛仆於地蕭婦急延醫治不料藥石無靈竟難起死願轉數日亦與世而長辭矣蕭婦當此境况哀感不勝逼得備棺殮殮各安窆窆焉噫該婦之遇亦慘矣哉現聞該婦以隨夫抵曼人地生疎客路無依終非久計不得已席捲餘資以歸故園業已附航回叻俟有便航當即載歸東渡云

蜜酒出賣




法國頂上蜂窠標萬蘭池酒出售



啟者茲本公司親由法國督辦頂上好萬蘭池酒來
助發售其酒清香濃郁醇厚異常飲之誠可令人長血
氣壯筋骨悅顏色妙美無窮今市上所有萬蘭池酒無
有能出其右者誠佐饋中妙品也至此酒惟本公司一
家沽出餘無別家出售 諸君光顧請細認蜂窠標頭
為記並細辨香味方不致誤價甚相宜倘有到份之癖
者祈早惠臨沽買是荷
大英一千八百八十八年六月二十號
大清光緒十四年五月十一日 明嗎也公司謹啟

機 爐

代中西士商修整各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 繼來安公司啟



啟者本公司製造各種新式機器直落帝逸尾地方交易多年專造一切靈
巧機器火海火鋸 磨粉之器具及大小輪船汽機鍋爐並各種新式鋼鐵
器皿一應俱全無不堅固耐久靈便合用茲六甲地方本公司開設有分廠並

啟者本行由歐洲辦到上等密酒
來助發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶瓏 泗里末
望加錫 檳榔嶼 日裡等處其
他各埠均能運往並此佈聞
一千八百八十六年十一月十
日 明嗎也洋行謹啟

中外眾國有限保險公司

啟者本公司總局設在香港多年備
有資本銀二百萬元已先收股份人
來銀六十萬元及餘存銀六十萬元
在現係本行代理承保各商貨物銀
項運送輪船來往各埔其保費扣用
照例所有花紅之數俟結賬之後按
數分派前一千八百七十八年一
千八百八十年每股得利息銀廿五
八仙又一千八百八十年至一千八
百八十二年每股得利息銀廿一八
仙諸貨商賜顧者請至本行開相商
可也 大清光緒九年 月 日
英一千八百八十三年八月廿七號
毛寶德公司謹啟

啟者本行由小呂宋督辦上庄選葉呂宋烟發
售其貨均屬上等並無低貨摻雜且價甚相宜
其中每箱有廿五枝者有五十枝者有一百枝
者各款俱備香美異常因邇來西人年節將屆
用此以作禮儀餽贈最為合式且能與 諸君
代辦小呂宋各貨 諸尊賜顧請至土庫花園
邊奕爾堅洋行之後回與密加釐士打索路店
售 隔鄰本行相酌是荷
大英一千八百八十七年十二月七號
大清光緒十三年 我士連洋行謹啟



啟者現本廠
新由上海辦
到活字等件
石印各書
信甚多約計
百餘種茲以
廉價發沽諸
尊欲採辦者
請到本館選
購是荷至其
書目太繁不
能殫述凡富
翁列位幸
留意可也
本館謹啟

啟頌備醫 ○備醫江天恩先生者漳州之詔安人也家傳醫學數世而先生少則業儒咕嚕之餘醫書兼習迨壯年屢困場屋有感范文正公之說於是棄儒就醫厥矢四方於焉命駕沿途應診暫駐廣東離寒暑迭更活人無算而先生濟世之心猶未逮也前乙酉年航海來叻寓怡隆行與余一見如故不吝達人說項果然着手成春欲窮南荒旋遊泗水兩省同安堂主人念叻地良醫固不乏人而醫紹數傳語通兩省者則寥寥罕觀爰置郵懇請惠然肯來適余親眷有宿疾服藥罔效幸先生一診暫次安痊於以知儒者可無學醫而醫者必由儒出信夫聊陳便語佈告同人欲知醫藥之良可向同安堂致請 至聖二千四百三十八年戊子季夏九日 曾廷川謹啟

線 轆 出 售




啟者本行專辦英國費拿士布祿機房各色上等棉線轆發客此線轆與線球不同線身光滑於縫衣脚車手車甚為合用每個足長一百碼價甚相宜曾經呈請英國考驗幸蒙賞贊并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君一用始知余語之非虛 貴客光顧請認羊頭號標牌為記 庶免有誤 大英一千八百八十七年十一月三十號 香港希士洋行 新嘉坡代理人明馬也公司謹啟

酒 品 出 賣

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香爽奈近有假冒之徒假冒本庄三品酒款式以圖魚目混珠殊殊可恨嗣後 諸君沽買本行三品酒者請細認本號招牌之有小紙包頭註華字新 若此字樣即屬偽冒請為細認特此佈聞 大英一千八百八十五年十二月十九號 大清光緒十一年 月 日 明馬也公司謹啟

活 侯 亞 士 堅 公 司 告 白



啟者本公司向來開設本坡久為中西 商翁所賞識茲承英京未汝公司之命託本公司為該公司駐叻代信機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開設英京歷久無異素為英國人所賞識不特為英國人所賞識又為鄰國人所賞不特為鄰國人所賞識兼且為天下各國者皆為此也現計該公司立心持平交遊盡善物料既美製作復精所以能邀美譽於本國鄰國及天下各國者皆為此也現計該公司所製造之機器甚多筆墨難以盡述更僕不可備對非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件堆堆積如山邱不可枚舉茲因篇幅太狹不能盡錄以備諸商翁青電擇其要而通行者略登報端以為 諸君採擇焉如水厚水筒皮帶等其價較別家稍為相宜貨而亦視別家為特妙請 諸君移玉到本公司一觀真有所聞未盡所見之概不啻遊山陰中道令人接應不暇矣至於本公司又有製造做大薯之機器以及水厚等各機器亦是名目太多不能備列謹此奉告尚祈賁然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙河邊橋頭右邊開張以便吉隆 諸君選活機器以及修理機器等事 諸君光臨請移玉趾是荷 大英一千八百八十七年十一月九號 活侯亞士堅公司謹啟

新 款 歐 洲 馬 車 鞍 轡 等 件 出 售

啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各款馬車無論四輪雙輪大小明暗各車均能製造所用物料均係上等而抹漆畫線亦皆精妙異常其木料均係選用上等美材且皆預買放乾然後製造故無裂綻變樣之病是則不惟悅目且耐用與平常所售者不同倘 諸君有命本車房製造各車者懇即惠臨務能如意而本車房并有無用之馬車出售雖曾用過然再加修飾與新製者無殊其車則四輪雙輪大小款式無不備有以便諸君選購更可代 諸君修理一切車輛其物料概由歐洲預辦充足無須臨時購買故修理甚捷可以尅期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有服車者有乘坐者其中大小雙單各款俱全此鞍轡均由歐洲督辦來坡倘 諸君欲更往歐洲採購者本車房亦可為之代辦並能相其馬匹大小配以鞍轡務令合宜即修理舊馬鞍使之重新亦無不可而本車房並有樹乳之踏墊出售其墊可任剪裁大小均由尊意 諸君購辦始知其貨之精也 再本車房因生理日益加增而工件每患不敷茲更欲廣之踏墊各匠以司其事如鑄鐵造木油漆畫線及皮工等類倘有工藝超羣者可 再前來相商果能合用自必不惜重價酬勞如欲知其詳細情形者可至本車房細詢便得特此佈聞 大英一千八百八十八年四月十四號 南末兄弟車房司理人麥吉利謹啟

頑童交毆 ○潮來助地頑童日遷下流多有不知自愛往往聚眾結黨則做偷兒伎倆騷擾閭閻此等流風寔為風俗之害嗟嗟夫孰非秀良子弟歟是亦父兄之訓誨不先子弟之率循弗諄耳然則有捕務之責者正當密爾梭巡嚴以拘之童蒙之習其始先端利用擊蒙庶免習慣性成爲他日地方之害也聞於廿三夜有頑童六七人在於府署後芳林園內大與唇槍繼而交毆師與問罪澤若對壘一般而察其交毆之由究亦不得而悉爾據說者謂該童等慣作偷兒每有所得即向暗處瓜分間有貪墨傷廉則必羣相構毀責其肥已交毆之事盡出層見第以此次構衅係緣是夕爲烟公司普度之期所陳祭品備極豐繁而該童等乘與往觀咸奏風技竟乘諸人弗察盜有石榴十餘顆故至是處均分詎有貪而不公致致鬻端端蚌相持賊是之故嗣有旁觀諸人見童等交擊不遂終恐必有所傷因謂有巡差到拘以恐嚇之童等至是長羅法網始如鳥獸四散焉噫此等頑童良可慮矣

癩豔披猖 ○古人秉燭夜遊原屬雅人逸趣然而豈不夙夜謂行多露則宵行之舉又非婦女所宜何則當道狂且多端侮辱倘值此輩欺凌雖含羞辱詈而奈此戲謔何哉然則宵行之樂夫亦深爲不值矣聞二十三日夜蓮漏將深時有客籍生長於助之婦人四口共乘一馬車擬作宵遊之樂詎道經於泉碧前竟有其同籍之狂徒三人相值道左聞車中人語嬌若鶯聲飄瞥之餘半皆黠者時適諸狂徒均從醉鄉遨遊以故酒氣沸騰淫心驟觸疑是車中人皆屬私娼之偶因圖露水烟緣證前因于石上遂乃截其去路喝御停車施其汚辱詎車中有一某媪見御停輒弗馳駭然訝之因即下車以規其異詎見諸狂徒所爲愈而諦視始悉諸狂徒中有一係爲某戚之子責其不恭至是諸狂徒始悔其非忸怩而去某媪以諸狂徒所辱不覺憤火中焚復登輿而馳訴某戚之家聞諸狂徒知媪之必訴也而於是亦不敢賦歸後不知其所終觀此亦可爲婦女宵行者戒

葡欵及神 ○神道設教而天下服聖人之化也而葡人之教不知有神且苛欵之政至及於神夫民神之主也澳民豈從之哉葡民之設司打以管稅鈔及一切籌款者也濶濶澳門立廟以祀玉封道果無漏康公主帥士人祀奉素虔常獲靈祐每值七月延僧建醮有事於神輒誦經懺禳災告以答神庠道場中高搭錦棚張燈結彩以娛於神此固神人共慶者也值其事者每先期至葡官處照送陋規銀十枚討取人情紙始搭蓋醮棚以符舊議詎料司打陡起貪心嫌費微薄語值事云照舊搭棚建醮須加繳規費銀五百枚以助稅鈔違則料罰值事集廟公議命稱各業生意冷淡等題難安得五百枚之鉅欵葡官苛欵至及于神莫若從此停止搭蓬節省經費免逐司打之奢願也後司打聞值事公論恐澳人物譁沸騰外觀不雅即飭地保傳知值事仍照原議繳費准澳人搭蓬建醮焉

鬼護故墳 ○生前華屋零落山邱言人之生前事業死不能保也豈知朱門雙闕再過爲墟即令黃土一坏難存斷續此豈死者之前因抑賈子孫之不肖耶某甲精堪輿術日惟登高陟險氣尋龍附城諸山足跡已遍日前在羊城北北門外距城二十里竟得吉地一穴前局沙水相生後案峰帶環抱穴情甚佳細查之蓋某姓之舊墳而子孫遷葬於別地者也某甲悅之又喜其價廉遂與定議地價銀若干恐其中悔即交定銀數枚以賈之甲是夜返家夢一老媪曰所相之地是吾舊宅居之經年吾甚安之不謂不肖子孫將吾朽骨遷之他處使吾不安於地下今君欲得之請勿與承爲妙某甲醒後迴憶夢中歷歷如在向半信半疑但思若不承買已費定銀數枚矣猶疑未決且往該山之附近素爲賣山中保者查之據十人云此山業經多人欲爲承買但下定後多不交易故延至今不知何故某甲心觸舊夢暗喻其故隱而不言遂願自虧定銀退而不買噫先人已沒猶戀戀於一坏之土爲子孫者宜何如保守先人廬墓哉錄廣報

京報選錄 ○大學士管理戶部事務臣閻德銘等謹 奏爲請 旨簡放四川等省藩臬大員經理京銅運務恭摺仰祈 聖鑒事竊查滇省運解京銅沿途經過省分需員照料向由臣部將藩臬大員開單請 旨每省酌派一員經理其事三年期滿奏請更換前於光緒十一年六月初二日將四川湖北江蘇直隸四省藩臬兩司開列名單奏請 簡派本日奉 上諭戶部奏稽查雲南運銅各員期滿請旨更換一摺雲南派解京銅前派沿途經理各員期滿戶部查照例案將經過之四川湖北江蘇直隸等省藩臬開列名單請旨更換四川著派易佩紳湖北著派黃彭年江蘇著派譚鈞培直隸著派松樞印實成各該員嚴飭各道府及沿途地方文武員弁認真稽察催護送前等因欵此欵遵通行遵照在案茲查雲南解八起頭批京銅已據咨報起程此後續辦銅斤次第運解沿途催護照料一切事宜關係緊要在在需員經理前奉 諭旨派出各員現已三年期滿自應奏請 簡員更換謹將四川湖北江蘇直隸等省藩臬兩司名單開列進呈每省恭請 欵派一員責成總司其事仍各委道府一員會同沿途地方文武員弁隨時認真催護送前該運員如有無故逗遛及盜賣短少等弊即詳報該督撫嚴行懲辦至經過各省洋面如有應需水師照料之處即由 派出之員詳咨前途督撫及水師提督請派弁勇切實照料此次 派出各員自奉 旨之日起定限三年責令實心經理遇有升調事故即令接任之員一體遵辦俟三年期滿再由臣部開單奏請 簡派以重銅務而專責成所有稽查滇藩臬大員業經期滿擬請更換緣由謹繕具清單恭摺具陳伏乞 皇太后、皇上聖鑒 訓示遵行謹 奏請 旨奉 自己錄 ○奴才慶裕裕長跪 奏爲揀員請補要缺知州以督治理恭摺仰祈 聖鑒事竊查岫巖州知州夷良捐升道員經奴才等保留奉天補用於光緒十四年四月二十七日奉 硃批夷良着准其開缺以道員仍留奉天補用該部知道欵此所遺岫巖州知州一缺係衝繁疲難兼四

要缺例應由外揀員升調請補查奉天省知州一項並無 記名分發人員其現任州縣內或現居要缺或人地未宜亦無合例人員堪以升調
贛州瓊山鎮海民俗刁頑素稱難治非幹練有為之員不克勝任惟查有候補知州王顯勳直隸天津縣人年三十八歲由監生考取應錄報捐
通判光緒二年投效奉天軍營以剿辦馬賊出力保奏以通判分發省分歸候補班補用並加同知銜三年七月奏留奉天補用嗣因歷次挂
獲首要馬賊出力保奏俟補缺後以應升之缺用報捐離任指定知州留於奉天歸候補班補用四年十二月到省復以屢次拿獲馬賊出力
賞戴花翎加運同銜十年二月奏補復州知州五月到任十一月在任聞計丁父憂開缺十三年舉開復仍回奉天歸知州候補班補用八
月十六日到省該員才具明敏辦事精詳前任復州知州任內暨署理承德鐵嶺各縣事均能辦理裕如以之調補岫巖州知州海堪勝任與例相符
合無仰懇 天恩俯准以候補知州王顯勳補授岫巖州知州以資治理如蒙 俞允該員以候補知州請補要缺知州銜缺相當無庸送部引
見所有揀員請補要缺知州理由合恭摺具奏伏乞 皇太后 皇上聖鑒 勅部核議施行謹 奏奉 硃批吏部知道欽此 ○調鈞
培片 再道府同通州縣等官到省試用一年期滿例應督撫察看才具奏明甄別以肅官方茲查有署廣南府事遇缺儘先補用知府周齊
泰儘先補用通判劉國光軍功保舉遇缺前先用知縣黎肇元到省試用均各一年期滿例應照章甄別據藩臬兩司先後會詳前來臣查該
員周齊泰精明幹練劉國光年壯才明黎肇元才識明練均堪以各本班留省補用除將履歷清冊咨部查照外謹會同雲貴總督臣岑春煊附
片具陳伏乞 聖鑒 奏奉 硃批吏部知道欽此

辭影聲明 ○敬啟者本行營銀及收理賬目人侯順吉現已辭退不在本行當役茲特聲明嗣後本行收賬一事與侯順吉無涉倘各
寶號有以資交侯順吉手者係為自誤不干本行之事特此佈聞 大英一千八百八十八年九月一號 威廉遜施實略洋行謹啟

辭退聲明 ○敬啟者泉署前水仙門門牌第五十七號業盛號原係吳業生自家生意並無他人合股前曾聘請侯鏡泉在號內司事
迄今多年向無別故茲侯鏡泉志圖別業特於本年五月三十日自行告辭此後侯鏡泉有與各寶號交易貨物揭借等項俱為經手是問與業
盛號無干至以前業盛號所除出之貨項如係侯鏡泉經手者請各寶號送到業盛號給回圖章方作實據先此聲明以免後論
大清光緒十四年七月二十四日 吳業生 侯鏡泉合啟

輪船行期 ○敬啟者本行之太生輪船業於西本月廿八號即華本月廿一日由加里吉打展輪准於西九月五號即華本月二十九日
禮拜三必能抵叻上落貨訖欲往 香港 汕頭 廈門 淡水 臺灣府 福州 上海等處 貴商如欲配載及搭客者請至本行相
酌此佈 大英一千八百八十八年八月三十號 威廉遜施實略洋行告白

家私雜物出投 ○敬啟者茲承典主之命定於西九月四號即華本月廿八日禮拜二下午二點半鐘在牛車水差館前第十八號門牌
內拍賣華人私物業並有鐵櫃二具至於各物現在該屋並有繪圖於拍賣之前三日隨時均可到閱 諸君有合意者請屆期 玉臨投買
是荷 大英一千八百八十八年八月三十號 巴越館主謹白

家私雜物出投 ○敬啟者茲定於西九月一號即華本月廿五日禮拜六下午二點鐘在長泰街第卅三及卅四號門牌內拍賣華人之
家私雜物此乃已故林榮美之物現各物之圖存於該處於拍賣之前三日隨時均可到閱 諸君有合意者 惠臨投買是荷 巴越館主啟

家私雜物出投 ○敬啟者茲承泉憲之命定於西九月八號即華八月初三日禮拜六下午二點鐘在天福宮後第一百零六號門牌內拍
賣唐人私雜物甚多此乃已故黃英偉之物現各物之圖存於該處於拍賣之前三日隨時均可到閱 諸君有合意者請如期 玉臨拍買
是荷 大英一千八百八十八年八月廿九號 巴越館主告白

購尋地契 ○敬啟者余有地契紙二張其一係在甘公麻六甲地方其一係在小坡跑馬坡地方此契係於二三年前失去倘 四方
君子有檢得此契者送回敝號即謝花紅銀二十元決不食言特此佈告 大清光緒十四年七月十八日 鐵市橋頭和合號黃欽元謹啟

賽花會告白 ○敬啟者現在稽察公家大花園人員議定准於西明年四月間在公家花園內開設賽花盛會無論花菓菜蔬一切植物
皆能往賽現已預備賞單以備獎給茲請本坡紳商有種花之好者於西九月間公議賽花會事屆期再行具報通知而今以預備佈聞
者因欲使人得早為預備購辦佳種留心藝藝俾得及時報賽自今以後則本會每年舉行一次其期則在西四月之末五月之初於屆會期再
為通佈特此預 聞 大英一千八百八十八年八月十七號 公家大花園理事人謹啟

攤數告白 ○敬啟者茲因原告陳祿選控告陳慶麟一案本司奉 泉憲鈞諭命為通知坡中人等倘諸人有為陳祿選及陳慶麟二
人前在漆木街第三十八號門牌開設之衣裕號所欠賬目及該二人有物件寄頓抑或典押揭借等情定於西九月六號即華八月初一日禮
拜四以前將被欠之詳細列明並將其人之姓名住址字號門牌以及所欠何物一一書明交到奴呂狀師之處如有逾期不至是為自誤不得
再為追問倘諸人等有典到該二人物件者則須於西九月八號即華八月初三日禮拜六上午十一點鐘呈交本司寫字樓俾本司將所欠之
數細為核算作何歸還之處特此預知幸毋自誤為荷 大英一千八百八十八年八月十一號 某署經理司飛兒謹啟

人前在漆木街第三十八號門牌開設之衣裕號所欠賬目及該二人有物件寄頓抑或典押揭借等情定於西九月六號即華八月初一日禮
拜四以前將被欠之詳細列明並將其人之姓名住址字號門牌以及所欠何物一一書明交到奴呂狀師之處如有逾期不至是為自誤不得
再為追問倘諸人等有典到該二人物件者則須於西九月八號即華八月初三日禮拜六上午十一點鐘呈交本司寫字樓俾本司將所欠之
數細為核算作何歸還之處特此預知幸毋自誤為荷 大英一千八百八十八年八月十一號 某署經理司飛兒謹啟

